



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg



Lëtzebuerg, den 06/01/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Mobilitéit weiderzeleeden.

An der Route de Remich (Nationalstrooss 2) zu Moutfort si säit iwwer dräi Joer verschidde Stroossenaarbechten duerchgefouert ginn. Op dëser Strooss fueren – den Zielunge vun den Awunner no – all Dag bis zu 12500 Autoen an 200 Camionen.

Well de Belag vun dëser Hauptstrooss trotz de villen Aarbechte bis elo ni eenheetlech frësch gemaach gouf, hunn sech eng ganz Rëtsch Onebenheeten am Belag gebild, déi zu erhieflchem Kaméidi a Vibratioune féieren, wann Autoen driwwer fueren. Op Videoe vun Awunner ass souguer ze gesinn, wéi beim Passage vu méi schwéiere Gefierer ganz Haiser zum wackele kommen, esou dass Schied u Gebaier net ausgeschloss kënne ginn.

An deem Zesummenhang wéilt ech dem Minister dës Froe stellen:

1. Kann de Minister d'Situatioun vum Schantjen an der Route de Remich zu Moutfort retracéieren an erklären, firwat de Schantjen elo bal 4 Joer undauert?
Firwat gouf an deene 4 Joer net zumindest eng Partie vum Belag geriicht?
2. Huet de Minister Kenntnis dovunner, dass Awunner aus der Moutforter Gemeng ee Bréif u Ponts et Chaussées geschriwen hunn, an dem si op d'Vibratioune, déi duerch den Transitverkéier entstinn, opmierksam maachen?
Wéi ass ee säitens dem Ministère op d'Ufroe vun den Awunner agaangen?
3. Firwat ass fir d'Dauer vun de Stroossenaarbechte keng Vitesselimitatioun vun 30km/h agefouert ginn?
4. Gëtt bei laang undauernde Stroossenaarbechte probéiert d'Beanträchtegung vun der Liewensqualitéit vun den Awunner ze miniméieren?
 - Falls jo, wéi eng Mesurë gi geholl?
 - Falls nee, firwat hält de Minister dëst fir net noutwenneg?

Mat déiwem Respekt,

GOERGEN Marc
Député




www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère de la Mobilité
et des Travaux publics

Luxembourg, le 05 FEV. 2020



Monsieur Marc Hansen
Ministre aux Relations avec
le Parlement

Service Central de Législation
Luxembourg

Monsieur le Ministre,

J'ai l'honneur de vous communiquer en annexe la réponse commune à la question parlementaire N°1656 du 6 janvier 2020 de l'honorable député Monsieur Marc Goergen, concernant le chantier sur la route de Remich à Moutfort, tout en vous priant de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

François Bausch
Ministre de la Mobilité
et des Travaux publics

Äntwert vum Här François Bausch, Minister fir Mobilitéit an ëffentlech Aarbechten op déi parlamentaresch Fro n° 1656 vum 6. Januar 2020 vum honorablen Deputéierten Här Marc Goergen iwwert den Schantjen op der Route de Remich zu Mutfert

1. De genannte Schantjen op der Route de Remich (N2) zu Mutfert setzt sech an der Realitéit aus enger ganzer Rei vu Baumoosnamen zesummen, déi tëscht de Joren 2014 an 2017 iwwert déi jeeweileg „Permission de voirie ministérielle“ vun der Gemeng a verschiddene Konzessionären ugefrot a geneemegt goufen:

2014:	PdV 22194/14	Gemeng Contern/SEBES/SIDERE
2016:	PdV 24090-16-0	Creos
2016:	PdV 25682-16-0	SIDEST
2016:	PdV 18213-16-0	SIDEST
2016:	PdV 17590-16-0	Gemeng Contern
2017:	PdV 5168-17-0	SIDERE
2017:	PdV 3611-17-0	Post Luxembourg

Den Oflaf esou ewéi d'Organisatioun vun dëse Schantercher ënnerläit de genannte Bauhären.

Déi definitiv Erneuerung vum Stroossebelag gëtt generell um Enn vun engem Schantje realiséiert, fréistens sechs Méint no der provisorescher Erneuerung, fir eventuell entstane Setzungen auszegläichen.

Déi definitiv Erneuerung vum Stroossebelag steet an dësem Fall nach aus a gëtt um Enn vu sämtleche Baumoosname ausgefuert.

Weider Präzisierungen heizou kann d'Gemeng Contern liwweren.

2. Bréiwer mat Reklamatiounen am Kader vun dësem Schantje goufen un d'Gemeng Contern weidergerecht fir d'Problemer ze behiewen.
3. De Schantje läit ënneruerts; d'Verkéisreglementatioun an den Zoustännegkeetsberäich ënnerläit also der Gemeng. Dës Fro misst demno vun der Gemeng beäntwert ginn.
4. Et gëtt bei Stroossenarbechten déi vum Staat realiséiert ginn ëmmer probéiert, d'Beanträchtegeunge fir de Public esou geréng ewéi méiglech ze halen. D'Mesuren variéieren awer vu Fall zu Fall.